



11. juni 2014

Inatsisartut Suleriaasianni § 37 naapertorlugu Naalakkersuisunut apeqqutut makku matumuuna saqqummiuppakka:

**Naalakkersuisunut apeqqutit Nukissiorfiit ingerlatseqatigiiffingortinneqarsinnaaneratt pillugu:**

**1. Qanoq iliorlutik Naalakkersuisut qulakkeerniarpaat, Nukissiorfiit**

**ingerlatseqatigiiffingortinneqarnerannut atatillugu aningaasat atorneqarsinnaanngortussat sanaartukkanut assigusunut atorneqarnissaat, inuiaqatigiit ingerlanneqarnerannut nalinginnaasumut atornagit?**

**2. Nukissiorfiit ingerlatseqatigiiffingortinnerata kingorna aningaasartuutit amerleriaatissaat ataani allassimasut Naalakkersuisut qanoq iliorlutik aningaasalersorniarpaat:**

- a. Siulersuisuni ilaasortat akissarsiassaat**
- b. Tunngaviusumik pisortat ingerlatseqatigiiffianut taarsigassarsiniarnissaq akisunerusussaavoq Namminersorlutik Oqartussanut naleqqiullugu. Erniaat assigiimngissutaat taanna akilerneqartussaavoq. Qanoq?**

**3. Nukissiorfiit aningaaserivinnit namminersortunit taarsigassarsippat, Landskarsimiunngitsoq, taava erniaat namminersortunut aningaasaliisunut akilerneqartussaapput. Paarlattuanik Landskarsip erniaatigut isertitassani annaassavai. Isertitassatut amingaataalersussat qanoq iliorlutik Naalakkersuisut isertinniarniarpaat?**

**4. Naalakkersuisut qanoq iliorlutik qularnaarniarpaat atuisartut inuussutissarsioritullu annertunerusumik akiliisalinninnissaat Nukissiorfiit ingerlatseqatigiiffingortinneqassagaluarpaat?**

**5. Nukissiorfiit ingerlatseqatigiiffingortinneqarpata naatsorsuutigisariaqarpoq Nukissiorfiit saqqummiussisussaataitanermut inatsimmiik kaanngarnissaa ilanngullugu allattugaatinik paasiniaaffigineqarsinnaajunnaassaaq. Qanoq iliorlutik Naalakkersuisut qularnaarniarpaat,**



**innuttaasut malaarsinnaatitaajuarnissaat aamma Nukissiorfiit ingerlatsinerat pillugu paasiniaasinnaanissaat?**

(Inatsisartunut ilaasortaq Andreas Uldum, Demokraatit)

**Tunngavilersuut:**

Nukissiorfiit pisortat ingerlatseqatigiiffiattut allanngortinneqarpat, Nukissiorfiit Namminersorlutik Oqartussanit pigineqarnera ingerlaannartussaavoq. Taamaattumik Namminersorlutik Oqartussat Nukissiorfiit taarsigassarsiariumaagassaanut qularnaveeqqusiisussaavoq. Tassunga atatillugu Demokraatini isumaqarpugut, Nukissiorfiit erniakinnerusunik taarsigassarsiniarsinnaassasoq, Namminersorlutik Oqartussat Nukissiorfiit sinnerlugit aningaaserivinnut taarsigassarsiniarpat, Nukissiorfiit pisortat ingerlatseqatigiiffianut nammineerluni taarsigassarsiniarani.

Tassa imaappoq Nukissiorfiit sanaartornerminut atatillugu aningaasartuuteqarnerussaag maannakkut ingerlatseriaatsimut naleqqiullugu. Taamaassappat innuttaasut inuussutissarsiortullu innaallagissamut, imermut kiassarnermullu akiliisalerataannaapput, tamannalu Demokraatit isaamit isigalugu kukkunerussaag. Tunisassiat pinngitsoorneqarsinnaanngitsut akitsorpata innuttaasut artukkorsorneqassapput aamma inuussutissarsiortut unammillersinnaanerit mangiarneqassag. Taaneqartut tamarmik kingunerusussaapput akuerineqarsinnaanngitsut Nukissiorfiit ingerlatseqatigiiffinngortinneqassapata.

Nalunngilara, Naalackersuisut tunngavilersuutigissaqqooqigaat, allanngortitsineq pitsanngorsaanissamut aqqutissiuissasoq, tunngavilersorneqanngilarli pitsanngorsaanissaq qanoq takorloorneqarnerasoq. Allaanngilaq ingerlatseqatigiiffinngortitsiniarnermi pitsanngorsaanissaq pingaarnertut tunngavilersuutaasoq. Qilanaarpunga pitsanngorsaanissat tusarfiginerunissaannut.

Naggataatigut aamma ernummatigaarput ingerlatseqatigiiffinngortitsinerup kinguneranik inuiaqatigiit sunnuteqarsinnaanerisa millisinneqarnissaat. Ingerlatseqatigiiffinngortitsinikkut Nukissiorfiit tamanut saqqummiussisussaataanerit allattugaatinillu paasiniaaffigineqarsinnaanera atorunnaarsinneqassapput, tamannalu tunngavigalugu soqutiginarpoq paasissallugu, Naalackersuisut qanoq iliorlutik innuttaasut pisinnaatitaaffii taakku qularnaarniarneraat. Apeqqutit akeqquneqarput ullut suliffiit naliginnaat qulit iluanni.